



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- SREDSTVIMA JAVNOG INFORMISANJA/MEDIJIMA
- SLUŽBI ZA ZAJEDNIČKE POSLOVE
- MINISTARSTVU UNUTRAŠNJIH POSLOVA

Broj: 01-01-6362-1/20
Zenica, 11.05.2020. godine

PROTOKOL
ZA ODRŽAVANJE 21. SJEDNICE SKUPŠTINE ZENIČKO-DOBOJSKOG KANTONA
ZAKAZANE ZA 18.05.2020. GODINE U 10:00 SATI
U SALI/DVORANI 301 III SPRAT ANEX-A ZGRADE SJEDIŠTA KANTONA

S obzirom na novonastalu situaciju i donošenje Odluke o proglašenju stanja nesreće uzrokovane pojavom COVID-19 na području Federacije Bosne i Hercegovine (BiH), obavještavamo vas da će se **21. sjednica** Skupštine Zeničko-dobojskog kantona, zakazana za dan **18.05.2020. godine**, sa početkom u **10:00 sati**, održati uz obaveznu primjenu odgovarajućih preventivnih epidemioloških mjera u cilju maksimalne zaštite zdravlja svih poslanika/zastupnika Skupštine Kantona i drugih učesnika sjednice, te poštivanja naloženih mjera i naredbi od strane nadležnih organa, (zabrane okupljanja većeg broja osoba na jednom mjestu, primjenu mjere socijalne distance odnosno obaveznog razmaka između osoba od minimalno 2 metra, korištenje zaštitne opreme), u kom cilju je potrebno poštovati slijedeće:

1. Na dan održavanja sjednice Skupštine (najmanje 2 sata prije početka sjednice) izvršiti obaveznu dezinfekciju sale 301, u kojoj će se održati sjednica Skupštine, (uključujući sve stolove, stolice, govornicu i druge površine), te provjetranje navedene prostorije prije i tokom trajanja sjednice, kao i obezbjeđivanje dezinfekcionog sredstva na ulazu u salu 301, (što su dužni obezbijediti i vršiti nadležne osobe Službe za zajedničke poslove), kako bi svi učesnici sjednice prilikom ulaska u salu izvršili dezinfekciju ruku.
2. Svi poslanici/zastupnici Skupštine Kantona će biti dužni da se prilikom ulaska u zgradu, na prijavnici, podvrgnu mjerenju tjelesne temperature, što će vršiti nadležni zaposlenici Službe za zajedničke poslove.
3. Svi poslanici/zastupnici Skupštine Kantona, prilikom ulaska u zgradu Kantona radi dolaska na sjednicu Skupštine i tokom održavanja sjednice Skupštine dužni su imati ličnu zaštitnu opremu (masku i zaštitne rukavice).
4. Premijer Kantona i članovi Vlade Kantona koji su izvjestioci po pojedinim tačkama dnevnog reda iz svoje nadležnosti, sjednici će pristupiti u vrijeme kada ista po redosljedu bude na dnevnom redu i moraju na sebi imati ličnu zaštitnu opremu (masku i zaštitne rukavice).
5. Oni poslanici/zastupnici Skupštine Kantona, kao i ostali učesnici sjednice, koji imaju bilo kakvu (i najmanju), sumnju u svoju eventualnu zaraženost korona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na sjednicu Skupštine, a svoje odsustvo su dužni najaviti predsjedavajućem Skupštine.

6. Sjednici Skupštine, u sali 301, neće moći prisustvovati predstavnici sredstava informisanja/medija, kako bi, zbog zaštite zdravlja prisutnih, odnosno primjene epidemioloških mjera i naredbi nadležnih organa, na sjednici bilo prisutno što manje lica/osoba već će snimanja i uzimanje izjava od ovlaštenih predstavnika Skupštine i Vlade Kantona, obavljati ispred zgrade sjedišta Skupštine i Vlade Kantona.
7. Svi poslanici/zastupnici Skupštine Kantona će u sali 301, (u kojoj će se održati sjednica Skupštine,) sjediti na prethodno označenim mjestima sa njihovim imenima i prezimenima, prema uputama nadležnih zaposlenika Stručne službe Skupštine, između kojih će biti razmak od minimalno 2 metra, što se mora poštovati tokom cijele sjednice Skupštine.
8. Svi poslanici/zastupnici Skupštine Kantona će u sali 301, na stolici zateći evidencioni list koje su dužni popuniti svojom hemijskom olovkom i isti predati nadležnoj namještenici Stručne službe Skupštine.
9. Tokom cijelog održavanja sjednice Skupštine svi učesnici na sjednici, moraju poštovati mjeru socijalne distance odnosno obaveznog razmaka između osoba od minimalno 2 metra, (što znači da ne smiju prilaziti jedni drugima), te korištenje zaštitne opreme, te se ne smiju rukovati.
10. Trajanje sjednice Skupštine što je moguće više skratiti, uz preporuku poslanicima/zastupnicima Skupštine Kantona, da na sjednici ne vrše elaboraciju odgovora na poslanička pitanja i inicijative, te da ne postavljaju nova pitanja i ne pokreću nove inicijative, a ukoliko to ipak budu željeli, iste će moći poslati na e-mail adresu Skupštine: skupstina@zdk.ba u roku od 3 dana od dana održane sjednice, te da rasprave o tačkama dnevnog reda shodno odluci sa 22. sjednice Kolegija Skupštine održane 11.05.2020. godine traju: za prvu diskusiju 5 minuta, za drugu 3 minute, a replika se ograničava na 2 minute.
11. Prije i tokom cijelog održavanja sjednice Skupštine neće biti obezbijedeno posluživanje toplim napitcima, vodom i sokovima, kao jedna od zaštitnih mjera sprečavanja potencijalno mogućeg izvora zaraze i njenog potencijalno mogućeg prenošenja.
12. Nakon završetka sjednice, prilikom izlaska iz sale, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
13. Svi učesnici sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVAJUĆI

Čazim Huskić s.r.

DOSTAVLJENO:

1 x Naslovu

1 x U spis predmeta **21. jednice Skupštine/05-03**